

ունեցել նաև Հայաստանում կազմակերպված մի շարք սեմինարների ու դասընթացների: 2004թ.-ի հունիսի 27-ից 30-ը Ծաղկաձորում Փրայսուոթերիաուզ Քուփերսի կողմից իրականացվող «Հայաստան. Հանրային ոլորտի բարեփոխումների ծրագրի» շրջանակներում անցկացվեց «Շահերի պաշտպանություն» թեմայով եռօրյա դասընթաց, որը ղեկավարում էին Հայաստանի Երիտասարդ Իրավաբանների Ասոցիացիայի նախագահ Կարեն Զադոյանը և միջազգային փորձագետ Ալեն Գոգբաշյանը: Դասընթացին մասնակցում էին շուրջ 20 հասարակական կազմակերպությունների ներկայացուցիչներ, այդ թվում՝ Իրավաբան ուսանողների բաժանմունքի համանախագահ Լյուդվիգ Դավթյանը: Դասընթացի արդյունքում մասնակիցները ձեռք բերեցին համապատասխան հմտություններ շահերի պաշտպանության ոլորտում, որոնք կիրառելով իրենց կազմակերպությունների գործունեության մեջ՝ կնպաստեն Հայաստանում իրավախախտումների կանխմանը, շահագրգիռ անձանց և կարիքավոր խմբերի շահերի արդյունավետ պաշտպանությանը:

ԲԱԺԱՆՍՈՒՆՔԻ ԱՌԱՋԻՎԱ ԾՐԱԳՐԵՐԸ

Առաջիկա ծրագրերում նախատեսվում են մի քանի սեմինարներ հետևյալ թեմաներով՝ «Սահմանադրական իրավունք» արտասահմանյան երկրների սահմանադրությունները սահմանադրական բարեփոխումները ՀՀ-ում», «Ինտերնետը և իրավունքը համակարգչային հանցագործություններն ու տեղեկատվական անվտանգությունը» և այլն, ինչպես նաև գիտաժողովներ: Բաժանմունքի գործունեության մասին այլ տեղեկություններ կարող եք ստանալ «Իրավաբան ուսանող» լրատուի հաջորդ համարներից, Բաժանմունքի վեբ կայքից կամ այցելելով Հայաստանի Երիտասարդ Իրավաբանների Ասոցիացիայի կենտրոնական գրասենյակ: Բաժանմունքի գտնվելու վայրն է՝ Հայաստանի Հանրապետություն, ք. Երևան, Նալբանդյան 7, բն. 2, հեռախոս՝ (374 1) 54-01-99, ֆաքս (374 1) 58-02-99, ինտերնետային կայք՝ www.lsd.ayla.am, էլ. փոստ՝ lsd@ayla.am:

Տպագրանակը՝ 500 օրինակ
Ծավալը՝ 1 տպ. մասով
Ստորագրված է տպագրության 09.09.2004թ.

Լրատուն կազմեցին ԵՊՀ իրավաբանական ֆակուլտետի՝ Իրավաբան ուսանողների բաժանմունքի անդամները, այդ թվում՝ 4-րդ կուրսի ուսանող, Բաժանմունքի համանախագահ Լյուդվիգ Դավթյանը, մագիստրատուրայի 1-ին կուրսի ուսանողուհի Գայանե Մարությանը, 4-րդ կուրսի ուսանողուհիներ Է Աննա Ասատրյանը և Մարինա Սիմոնյանը:

«Իրավաբան ուսանող» լրատուն հրատարակվել է Հայաստանի Երիտասարդ Իրավաբանների Ասոցիացիայի աջակցությամբ ԱՄՆ Դեսպանատան միջոցներով՝ «Իրավաբանական ռեսուրսներ և իրավաբանական օգնություն» ծրագրի շրջանակներում:

ԻՐԱՎԱՔԱՆ ՈՒՍԱՆՈՂ ԼՐԱՏՈՒ

Հեռ.՝ (374 1) 54-01-99,
Ֆաքս (374 1) 58-02-99,
Ինտերնետային կայք՝ www.lsd.ayla.am,
էլ. փոստ՝ lsd@ayla.am

ԼՐԱՏՎԱԿԱՆ ԳՈՐԾՈՒՆԵՐՈՒԹՅՈՒՆ ԻՐԱՎԱՔԱՆԱՆՈՂ «ՀՆՍՍՍՏՆԻ ԵՐԻՏԱՍԱՐԳ ԻՐԱՎԱՔԱՆՆԵՐԻ ԱՍՈՑԻԱՑԻԱ» ՀԿ,

Հասցեն՝ ք. Երևան, Նալբանդյան 7, բն. 2
Պեճակային գրասենյակ
ՎՎՍՅՎՍՆԻ ՀԱՄԱՐԸ՝ 03Ա 057970,
ՏՐՎԱՏ՝ 27.12.2002թ.

ԹՈՒՐՈՒՄԱՆ ՊՍԵՍՈՒՍՏԱՆՈՒՄ՝
ԼՅՈՒՂՎԻԳ ԴԱՎԹՅԱՆ

«ԻՐԱՎԱՔԱՆ ՈՒՍԱՆՈՂ»
ԼՐԱՏՈՒՆ ՏԱՐԱԾՎՈՒՄ Է ԱՆՎՃԱՐ

Ձևավորումը և տպագրությունը Հասցե՝ Գրիգոր Լուսավորիչ 6
ԳԵՎՈՐԳ - ՀՐԱՀՐ ՍՊԸ Հեռ.՝ 52.79.74, 52.79.47
Էլ. փոստ՝ lusakn@rambler.ru



ՀԱՅԱՍՏԱՆԻ ԵՐԻՏԱՍԱՐԳ ԻՐԱՎԱՔԱՆՆԵՐԻ ԱՍՈՑԻԱՑԻԱՅԻ
ԻՐԱՎԱՔԱՆ ՈՒՍԱՆՈՂՆԵՐԻ ԲԱԺԱՆՍՈՒՆՔ
ԻՐԱՎԱՔԱՆ ՈՒՍԱՆՈՂ

Հայաստանյան հասարակության զարգացման արդի փուլում անհրաժեշտություն է առաջանում առանձնակի ուշադրություն դարձնել երկրում կրթության որակի, գիտության մակարդակի բարձրացման վրա: Այս խնդիրը առավելագույնս է կարևորվում հատկապես, երբ խոսքը վերաբերում է իրավաբան ուսանողներին, քանի որ տվյալ դեպքում արդեն հարցը սերտորեն առնչվում է մարդու իրավունքներին ու օրինական շահերին: Հաշվի առնելով վերոնշյալ արժեքների պաշտպանության հրատապությունը՝ Հայաստանում այսօր գործում են մի շարք կազմակերպություններ, որոնց վերջնական նպատակը անձի իրավունքների պաշտպանությունն է և դրա իրականացման ապահովումը: Այդպիսի կազմակերպություններից է «Հայաստանի Երիտասարդ Իրավաբանների Ասոցիացիա» հասարակական կազմակերպությունը և նրա կառուցվածքային ստորաբաժանում հանդիսացող Իրավաբան ուսանողների Բաժանմունքը, որն ամբողջ հանրապետությունում առաջինն է իր տեսակի մեջ: Վերջինս իր նպատակներով, խնդիրներով ու գործունեության ուղղություններով կոչված է նպաստել իրավագիտության առաջընթացին, բնակչության իրավագիտակցության, իրավական կուլտուրայի մակարդակի բարձրացմանը, ՀՀ օրենսդրության ուսումնասիրությանը և կատարելագործմանը և, վերջապես, քաղաքացիական հասարակության կայացմանն ու անձի իրավունքների պաշտպանությանը:

ՍՏԵՂԾՎԵՑ ԻՐԱՎԱՔԱՆ ՈՒՍԱՆՈՂՆԵՐԻ ԲԱԺԱՆՍՈՒՆՔԸ

Հայաստանի Երիտասարդ Իրավաբանների Ասոցիացիայի Իրավաբան ուսանողների բաժանմունքի հիմնադիր ժողովը տեղի ունեցավ 2004թ.-ի ապրիլի 23-ին Թեքեյան կենտրոնում, որին մասնակցեցին 17 իրավաբանական ԲՈւՀ-երի և ԲՈւՀ-երի իրավաբանական ֆակուլտետների 61 ուսանողներ: Հիմնադիր ժողովի ընթացքում մասնակիցների կողմից քննարկվեց ու ընդունվեց բաժանմունքի կանոնադրությունը և ընտրվեց բաժանմունքի 17 հոգուց բաղկացած խորհուրդ՝ յուրաքանչյուր ԲՈւՀ-ից 1 ուսանող սկզբունքով:



Բաժանմունքի հիմնադիր ժողով, 23.04.2004թ.

2004թ.-ի ապրիլի 29-ին Հայաստանի Երիտասարդ Իրավաբանների Ասոցիացիայի կենտրոնական գրասենյակում տեղի ունեցավ Իրավաբան ուսանողների բաժանմունքի խորհրդի նիստ, որի ընթացքում ընտրվեցին բաժանմունքի պատասխանատուները: Խորհուրդը որոշեց հրատարակել բաժանմունքի մասին լրատու, որի հիմնական նպատակն էր լուսաբանել Իրավաբան ուսանողների բաժանմունքի գործունեությունը, ինչպես նաև ճշգրիտ տեղեկատվություն տալ Հայաստանի Հանրապետությունում իրավաբանական կրթության որակի, դրա բարձրացման ուղղությամբ տարվող աշխատանքների, ՀՀ-ում իրականացվող դատաիրավական ռեֆորմների, կազմակերպվող գիտաժողովների, մարզամշակութային միջոցառումների և իրավաբան ուսանողներին հետաքրքրող այլ հարցերի շուրջ: 2004թ.-ի մայիսի 26-ին Հայաստանի Երիտասարդ Իրավաբանների Ասոցիացիայի Իրավաբան ուսանողների բաժանմունքի խորհրդի հերթական նիստում բաժանմունքի համանախագահներ ընտրվեցին Նորայր Նորիկյանը և Լյուդվիգ Դավթյանը: Ձևավորված խորհրդի հետագա նիստերում նախասահմանվեցին բաժանմունքի գործունեության ուղղություններն ու ծրագրերը, որոնց համապատասխան էլ բաժանմունքի անդամ իրավաբան ուսանողները ձեռնամուխ եղան առանձին ոլորտներում աշխատանքների իրականացմանը:

**ԲԱԺԱՆՍՈՒՆՔԻ
ՆԱԽԱԶՆԵՆՈՒԹՅԱՄԲ ԿԱԶՄԱԿԵՐՊՊԱԾ
ԱՌԱՋԻՆ ՀԱՆՐԱՊԵՏԱԿԱՆ ԳԻՏԱԺՈՂՈՎ**

Իրավաբան ուսանողների բաժանմունքի առաջին նախաձեռնությունը եղավ «Փաստաբանություն. ներկա վիճակը և զարգացման հեռանկարները 33-ում» թեմայով հանրապետական առաջին գիտաժողովը, որի նպատակն էր փաստաբանության բնագավառում բարձրացնել իրավաբան ուսանողների գիտելիքների մակարդակը, ինչպես նաև նպաստել 33-ում փաստաբանական ինստիտուտի դերի բարձրացմանն ու կայացմանը: Գիտաժողովը կազմակերպվեց Հայաստանի Երիտասարդ Իրավաբանների Ասոցիացիայի, Հայաստանի Երիտասարդ Իրավաբանների Ասոցիացիայի Իրավաբան ուսանողների բաժանմունքի և Հայաստանի իրավաբանական հիմնադրամի կողմից: Այն բաղկացած էր 2 փուլից՝ գրավոր և բանավոր: Հաստատված ժամանակացույցի համաձայն՝ 2004թ.-ի ապրիլի 23-ին գիտաժողովին մասնակցելու հայտ էին ներկայացրել 48 ուսանողներ՝ Երևանի և ՀՀ մարզերի իրավաբանական ԲՈՒՀ-երից և ԲՈՒՀ-երի իրավաբանական ֆակուլտետներից: Գիտաժողովին մասնակցելու հայտեր ներկայացրած 48 ուսանողներից սահմանված ժամկետներում իրենց զեկույցները ներկայացրին 17-ը: Գրավոր փուլում առավելագույն միավորներ հավաքած 10 լավագույն զեկույցների հեղինակները, նախապես սահմանված կանոնների համաձայն, իրավունք ստացան որպես զեկուցողներ մասնակցել գիտաժողովի եզրափակիչ՝ բանավոր փուլին, որը տեղի ունեցավ 2004թ.-ի մայիսի 20-ին Երևանում, «Արմենիա Մարիոթ» հյուրանոցի «Էռատո» սրահում: Գիտաժողովի հաղթող ճանաչվեց ԵՊՀ իրավաբանական ֆակուլտետի 3-րդ կուրսի ուսանող Լյուդվիգ Դավթյանը, որը հաղթեց նաև գիտաժողովի բանավոր փուլում: Գրավոր փուլի հաղթող ճանաչվեց ԵՊՀ իրավաբանական ֆակուլտետի 3-րդ կուրսի ուսանողուհի Մարինա Սիմոնյանը, իսկ հատուկ մրցանակի արժանացավ ՀՀ պետական կառավարման ակադեմիայի իրավաբանական ֆակուլտետի մագիստրատուրայի 1-ին կուրսի ուսանողուհի Սոնա Հարությունյանը: Գիտաժողովի հաղթողները արժանացան թանկարժեք մրցանակների: Գիտաժողովի լավագույն զեկույցների թեզիսներով հրատարակվել է գրքույկ և անվճար տարածվել երիտասարդ իրավաբանների և փաստաբանների շրջանում:

Գիտաժողովի գրավոր և բանավոր աշխատանքները գնահատելու համար որպես գիտաժողովի փորձագետ դատավորներ իրավիքվել էին ճանաչված փաստաբաններ, իրավաբաններ և դատավորներ, այդ թվում՝ ՀՀ Սահմանադրական դատարանի անդամ, դատավոր Ջինավոր Ղուկասյանը, Փաստաբանների Միջազգային Միության կոլեգիայի նախագահ, փաստաբան Տիգրան Ջանոյանը, Ժողովրդավարության և ընտրությունների աջակցության միջազգային ինստիտուտի հարավային կոմիտեի ներկայացուցիչ և հայաստանյան գրասենյակի գլխավոր պատասխանատու, միջազգային իրավաբան Արմինե Առաքելյանը և Հայաստանի իրավաբանական հիմնադրամի հոգաբարձուների խորհրդի նախագահ, փաստաբան Կարեն Ջադոյանը: Գիտաժողովի հովանավորներն էին Ամերիկյան իրավաբանների ընկերակցության Կենտրոնական Եվրոպայի և Եվրասիայի իրավական նախաձեռնության Հայաստանի գրասենյակը և «Բուկինիստ» գրատունը:



Ուսանողական գիտաժողով, 20.05.2004թ.

Այսպիսով, գիտաժողովը հնարավորություն ընձեռեց քննադատական երկխոսություններ անցկացնել փաստաբանության ինստիտուտի ներկա վիճակի և հրատապ հարցերի շուրջ: Ակնկալվում է, որ նման գիտաժողովներ կկազմակերպվեն նաև ապագայում:

**ԲԱԺԱՆՍՈՒՆՔԻ ԱՌԱՋԻՆ ՔԱՅԼԵՐԸ
ՄԻՋԱԶԳԱՅԻՆ ԱՄՊԱՐԵՉՈՒՄ**

Բաժանմունքն իր առաջին քայլերն արեց նաև միջազգային ոլորտում՝ կապեր հաստատելով ԱՊՀ անդամ մի շարք երկրների համապատասխան կազմակերպությունների հետ: 2004 թ.-ի հունիսի 14-ից 17-ը Կիև

քաղաքում Ամերիկայի իրավաբանների ընկերակցության Կենտրոնական Եվրոպայի և Եվրասիայի իրավական նախաձեռնության «ԱՊՀ երկրներում կազմակերպությունների զարգացում» տարածաշրջանային ծրագրի շրջանակներում տեղի ունեցավ սեմինար, որին մասնակցեցին Հայաստանի Երիտասարդ Իրավաբանների Ասոցիացիայի անդամներ Ա. Փիլոյանը, Ռ. Գրիգորյանը և Իրավաբան ուսանողների բաժանմունքի անդամ Մ. Գալստյանը: ԱՊՀ երկրներից ծրագրին մասնակցում էին նաև «Ղրղզստանի իրավաբաններ» ասոցիացիան (Ղրղզստան), «ԷՔՈ-ԼԵՔՍ» (Մոլդովա) և «ԷՔՈՊՈՒՎՈ-ԼՎՈՎ» (Ուկրաինա) կազմակերպությունները:



Մոնիտորինգի սեմինար, Կիև, հունիս, 2004թ.

Ծրագրի շրջանակներում նախատեսվում է հասարակական կազմակերպությունների համար ստեղծել անհրաժեշտ պայմաններ, որոնց առկայության դեպքում կազմակերպությունները կկարողանան գնահատել ԱՊՀ այլ երկրի նույն բնագավառում գործող մեկ այլ կազմակերպության ազդեցության աստիճանը՝ տվյալ երկրի իրավական բարեփոխումների վրա: Հասարակական կազմակերպությունների գործունեության փոխադարձ գնահատման արդյունքում յուրաքանչյուր կազմակերպություն կստանա իր երկրում իրականացվող իրավական բարեփոխումների գործընթացում սեփական ազդեցության աստիճանի գնահատման վերաբերյալ հաշվետվություն, որի արդյունքում տվյալ կազմակերպությունը կարող է քայլեր ձեռնարկել իր աշխատանքի արդյունավետությունը բարձրացնելու ուղղությամբ: Սեմինարի ընթացքում մասնակիցները համապատասխան գիտելիքներ և հմտություններ ստացան գնահատման մեթոդների և մեխա-

նիզմների վերաբերյալ: Նկատի ունենալով նախկինում գնահատում անցած կազմակերպությունների փորձը՝ ներկայացվեցին նաև հնարավոր դժվարությունները՝ բացառելու համար դրանց կրկնումը ապագայում: Նախնական պայմանավորվածություններ ձեռք բերվեցին նաև փոխադարձ այցելությունների ժամանակացույցի վերաբերյալ, ինչպես նաև մշակվեց գործողությունների պլան, ըստ որի նախատեսվում է, որ 2004 թ.-ի հոկտեմբերին «Ղրղզստանի իրավաբաններ» ասոցիացիայի պատասխանատուները կայցելեն Երևան և կգնահատեն Հայաստանի իրավական ռեֆորմների վրա Հայաստանի Երիտասարդ Իրավաբանների Ասոցիացիայի ազդեցության աստիճանը: Այնուհետև, նոյեմբերին Հայաստանի Երիտասարդ Իրավաբանների Ասոցիացիայի անդամները կայցելեն Ղրղզստան և կգնահատեն Ղրղզստանի իրավական ռեֆորմների վրա «Ղրղզստանի իրավաբաններ» ասոցիացիայի ազդեցության աստիճանը: Ծրագրի մասնակիցները ակնկալում են, որ իրականացվելիք ձեռնարկները կլինեն արդյունավետ և կնպաստեն կազմակերպությունների զարգացմանը:

**ԲԱԺԱՆՍՈՒՆՔԻ ԳՈՐԾՈՒՆԵՆՈՒԹՅՈՒՆԸ
ՆԵՐՊԵՏԱԿԱՆ ՇՐՋԱՆԱԿՆԵՐՈՒՄ**

Ներպետական մակարդակով կարևոր դեր ունեցան բաժանմունքում կազմակերպված սեմինարները մի շարք իրավական հարցերի վերաբերյալ: Դրանցից հատկապես պետք է առանձնացնել 2004 թ.-ի հուլիսի 20-ին կազմակերպված սեմինարը «Սոցիալական ապահովության քարտերի մասին» ՀՀ օրենքի շուրջ՝ միջոցառումների պատասխանատու Միհրան Գալստյանի զեկույցմամբ: Այս սեմինարի ընթացքում խորհրդի անդամներն արտահայտեցին իրենց կարծիքը նշված օրենքի վերաբերյալ, վեր հանվեցին օրենքի հակասություններն ու թերությունները, արվեցին բազմաթիվ առաջարկություններ, վերլուծվեց օրենքի կիրառման իրական և ենթադրյալ նպատակներն ու խնդիրները: Այսպիսով, վերոնշյալ սեմինարը նոր սերնդի երիտասարդ իրավաբաններին հնարավորություն տվեց արտահայտելու իրենց դիրքորոշումը հանրապետության տարբեր ատյաններում ու մարմիններում, հասարակության տարբեր շերտերում քննարկման առարկա դարձած օրենքի կապակցությամբ: Բաժանմունքի գործունեության արդյունավետության բարձրացման ու կատարելագործման համար բաժանմունքի անդամ-ներկայացուցիչները իրենց ակտիվ մասնակցությունն են